

豫章叢書

第一〇八冊

類

年

類

書

卷之六

王魏公集卷七

文瀾本無此卷

宋 王安禮 撰

雜著

興龍節功德疏

右伏以犧策迎祥雅協千齡之運祿祠誕慶率交萬
國之歡伏願翕受神禧備膺天保培福基而增厚衍
壽厯以彌昌施等乾坤永涵濡於聖澤照均日月當
被冒於王明

夫人進皇太后生辰功德疏

右伏以母儀光大惟海寓之傾心聖旦誕彌方人天

王夢公集卷一
之薦祉更資真教式罄微誠伏願寶殿居尊永享無
疆之算梵宮協祐益扶累盛之期妾無任

右伏以深恩難報雖鏤骨以何言妙法可歸誓悉心
而永嚮茲有無疆之祝共憑最上之儀伏願坤德鴻
甯箕躔遐袤大千法界施已浹於無窮億萬年齡福
益祈於有慶仰希覺聖俯照精誠妾無任

夫人入內進功德疏

右伏以植梵天之福實資最上之乘瞻堯日之輝敢
頌無疆之壽妾顧惟微陋獲望威尊前卽仁祠具延
淨眾讚揚祕典締集妙緣同格純釐以申至悃伏願

帝圖廣大與佛常尊寶算延洪後天齊久妾無任

右伏以龍光之渥第極於欣榮臣妾之誠若爲而報
稱惟憑佛力上答聖恩伏願慧日增輝法雲垂蔭恢
寶圖之有永延睿算之無疆妾無任

右伏以大乘之法眞蔭之多垂慧日之休光灑慈雲
之芬澤爰荷寵靈之數敢依殊勝之緣肅就仁祠虔
敷祕典用祈嘉祉仰報洪私伏願天步綏安攬乾樞
而至健睿圖長懋鞏山壽以無疆妾無任

夫人入內進皇太后功德疏

右伏以華藏妙言繇一音而演法私庭善頌期萬壽

於無疆妄祇奉國恩獲趨宮掖豫延緇侶恭集梵因
伏願帝祚延洪母儀光大均慈雲之普蔭齊慧日之
殊輝妄無任

右伏以祇荷聖恩漆肌膚而莫報上憑梵教竭誠意
以惟勤伏願覺苑均休法雲布潤延椿齡之繇永介
茲福之蕃多妄無任

右伏以寶法傳心證真如之妙覺祇園演教集景福
於殊因仰被寵休共修聖果伏願永隆慈訓長固母
儀資梵印之護持鞏聖圖之繇久妄無任

夫人入內進皇后功德疏

右伏以坤儀厚德仰頌無疆佛土真乘共修大願妾
親逢休運叨荷宸恩憑梵供以薦誠資貝文而讚福
伏願四星明朗光承北極之尊兩殿比隆共永南山
之壽妾無任

右伏以汪洋之澤所被惟深感戴之誠無由自達爰
就梵宮之地式茲貝葉之文伏願慧月流輝慈雲等
蔭介穰穰之景福對永永之丕圖妾無任

右伏以真乘立教妙果爲宗沛甘露之清言垂諸天
之大庇幸叨慈渥寅奉殊緣爰敷貝偈之文上祝龜
疇之福伏願延明玉曆永厚坤儀膺法寶之護持輔

聖猷於常久妄無任

坤成節功德疏

右伏以夢月儲祥倪天紀慶前依靈刹具集勝緣伏
願寶命延洪永固南山之壽母儀光大長居北極之
尊

集禧觀洪福殿開啟謝雨道場青詞

伏以庶物方蕃常暘爲厲夙依琳觀虔啟蘭場果蒙
聖真錫畀甘澤式申昭報永靖丹衷

內中睿思殿設消災集福周天大醮青詞

伏以道妙難名幽無不燭聖真爲寂誠至則通敢憑

金錄之科虔叩璿霄之馭風開秘殿哀對尊儀仰冀
鑒觀俯垂眷佑具綴福履申弭膏災人用靖嘉物祛
疵癘

和甫爲陝西興師於西嶽開啟祈福道場青詞
伏以選士厲兵侮亡取亂靈旗所指巨嶽焉依嚴寶
供於仙科祓蘭場於廟貌仰祈真聖終錫成功

景靈宮聖祖前開啟皇子消災祈福靈寶自然
齋道場青詞

伏以聖眞四達降監無私誠意上昭求靈如答卽琳
宮之祕遂開寶錄之妙嚴茂對清場虔申久禱覬除

災眚俾熾壽祺

永昭陵爲慈聖光獻皇后大祥酌獻道場表

伏以悲憂罔極致三載而加隆思慕未忘感四時之
再復具嚴法會彌罄哀誠仰冀明靈俯垂願享

景靈宮天興殿聖祖前罷散皇子消災祈福靈
寶自然齋道場朱表

共欽琳宮具嚴寶供尊儀如在妙道焉依冀上穹之
降康俾衆靈而錫美徧除災沴永介壽域

兗州東嶽等處罷散立秋道場朱表

流火御時涼風從律瞻言嶽鎮奠彼邦封風啟靈場

甫成釐事冀神明之純佑躋品彙於太和

杭州吳山廟罷散秋濤浩大道場朱表

三吳之會舟楫所憑乘氣序之肅清起濤波之洶怒
言瞻廟貌久殿邦封具罄齋誠甫終釐事敢祈善利
永錫安流

爲陝西興師於西嶽罷散祈福道場朱表

比陳兵禱冀佑師征載瞻嶽鎮之靈寶主邦封之福
甫終釐事獲罄齋精惟列聖之降康俾全軍而制勝
荆南府紫府觀等處罷散先天節道場朱表

維帝降衷錫珍符於永世肇秋班朔紀令節於斯辰

虞叩琳宮夙陳寶供仰祈道妙俯監齋精覃及羣黎
具綏福履

相國寺罷散道場齋文

天祐民而作君必得其壽臣歸美以報上惟旣厥心
仰籲覺慈恭攄善頌恭惟皇帝陛下禹功勤儉湯德
寬仁寅畏享天格三靈之眷佑忠厚及物孚四海之
歡心貢琛畢來風雨時若方萬寶有年之後適千秋
標節之辰甲觀畫堂慶逾漢殿露囊金鑑事侈唐風
樞密知院樞密通議一德寶臣具瞻元老運遇景炎
之盛日臨震夙之祥祇欽法筵肅祈遐福皇帝陛下

接千載之熙洽御六氣之和平業固崗陵年彌箕翼
明禮興樂偃革措刑樞密知院樞密通議伏願茂沃
嘉猷益光直道俾吾民之得所無一夫之向隅澤被
華戎俗躋富壽

電樞星渚夙符出震之祥貝葉琅函仰祝後天之算
投誠紺宇脍飾梵筵恭惟皇帝陛下體舜蹈堯繼文
接武橐籥中天之化彌綸萬彙之微運屬隆平日臨
震夙畫堂文觀慶蚤肇於先朝寶鑑絲囊歡實均於
率土樞密知院樞密通議五朝俊老一德元臣嘉誕
節之浹辰效封人之善祝皇帝陛下伏願蘿圖鞏固

寶命延昌三靈扶不拔之基萬寓頌無疆之壽樞密
通議伏願休功益著輔成晏晏之風純嘏咸臻永作
元元之福

永昭陵開啟中元節資薦慈聖光獻皇后道場
齋文

伏以昊穹始肅陰魄既盈望極仙遊感深孺慕具陳
法施之會虔瞻妙相之尊所嚮等慈證成願力頓超
覺路長御眞乘

永昭陵十月一日酌獻慈聖光獻皇后道場齋
支

伏以水行方用陽月就盈感節物之徂遷瞻寢園而
摧慕夙陳梵供哀對佛乘冀升濟於仙遊資頓超於
覺路

永昭陵爲冬節資薦慈聖光獻皇后水陸道場
齋文

伏以日月流邁長至薦更霜露零濡永懷靡及肆法
筵於仙闕資勝果於佛乘仰冀眞如俯垂印可

慈聖光獻太皇太后齋文

悲哀罔極至三年而加隆思慕未忘感四時之已變
徽音如在勝果焉依恭惟慈聖光獻太皇太后德盛

不居功隆絕擬詒孫謀而燕翼協祖訓之惠慈慶養
方崇靈游忽往今皇帝天賜仁孝日躋聖欽雖旣練
以從宜曷適追而有已慈聖光獻太皇太后伏願大
干沙界永福塵勞不二法門頓開覺路今皇帝伏願
寶圖居羨淵體迓祥底聖神化育之方格天地平成
之序然後藩維宗戚廊廟臣工均與榮懷咸綏壽善
下天竺寺禳禱改謝道場齋文

維熙寧五年歲次壬子九月朔日皇帝遣入內侍
省東頭供奉官睿思殿祇候麥先於下天竺寺禳禱
改謝道場者天心示戒呈變異於星躔人意懼災致

祈禳於梵宇賴佛慈之垂愍格帝鑒以交孚收歛光
芒掃除氛祲導和介福既銷弭於妖祥善應能仁永
歸依於聖力謹言

西京竺法三藏前開啟祈雨雪道場齋文

方冬愆陽雨雪不降莠種未入疵癘將興重惟生民
肝食焦慮禱祈孔夙靡神不宗依怙覺慈冀蒙善應
大沛嘉澤以慰羣情

西京竺法三藏前開啟謝雨雪道場齋文

久以旱潛側身疚懷致祈覺慈遂獲嘉應溥濟民望
惠寧予心爰陳法筵以答靈貺